



## **Kalaallit Røde Korsiat malittarisassai**

### **§1 KALAALLIT RØDE KORSIAT SULINIAQATIGIIFILLU RØDE KORS**

Kattuffik Røde Kors kattuffiuvoq namminersortoq Dansk Røde Kors-ip ataani inissisimasoq.

Kalaallit Røde Korsiat Dansk Røde Korsiani inatsisit malittarisassallu atugaasut nunarsuaq tamakkerlugu Røde Korsimut attuumassuteqarneranut atuuttut, Røde Korsip meqqiata atornera, Røde Korsip tunngavii Røde Korsillu nunarsuarmioqatigiinni suliniutaat anguniagaallu, Kalaallit Røde Korsiat sulinermini malissavai.

Kalaallit Røde Korsiat nunatsinni ikiuniarneq ingerlatissavaa, Dansk Røde Korsilu aqqutigalugu nunarsuarmioqatigiinni Røde Korsip suliniuteqarnerani tapersiisoqartassalluni.

Kalaallit Røde Korsiat ilisarnaataa allassimanageralu: Kalaallit Røde Korsiat malitsigalugu sanningasoq aappaluttoq qaqortumik tunuliaqutalik, Røde Korsip atornissaanut malittarisassat atuuttut takukkit.

### **§ 2 SIUNERTAQ**

Kalaallit Røde Korsiat siunertaraa:

- Nunatsinni oqartussat ikiuniarnermik suliallit taperserlugillu suleqatigissallugit, taamatullu upalungaarsimanermik ilinniartitsinermillu suliaqassalluni.
- Ikiuniarneq taamatullu upalungaarsimaneq ilinniartitsinerillu pissutsit piumassutsimik suliaqartoqarnissaanik kissaatiginarfiusut atuuppata akisussaaffigalugit, - kisimiilluni suliniarnikkut imaluunnit nunatsinni oqartussat, kattuffiit peqatigiiffiillu suleqatiginerisigut.
- Inuiaqatigiit Røde Korsip tunngavii aallaavigalugit eqqarsarnissamut iliuseqarnissamullu takorluuilersissallugit.
- Nunatsinni innuttaasut soqutiginnittut sulinikkut ikiuinikkullu Røde Korsip tunngaviinik suliaqarnissamut periarfississallugit.
- Suminganeerneck apeqqutaatinnagu ikinngutiginneq nunarsuarmioqataaannermillu paasinninnerulernissaq nittarsaatissallugu.

### **§ 3 IMMIKKOORTORTAQARFIK**

Stk. 1 Kalaallit Røde Korsiat immikkoortortaqarfeqarpoq. Kommuneqatigiinni malunnik amerlanerusunilluunnit immikkoortorqarfeqarpat taakku kommuneqatigiittut inissisimassapput.

Stk 2. Kinaluunnit Kalaallit Røde Korsiat susassaqrarfiata iluani najugalik sulinerminulluunnit atasumik najugaqaruni Kalaallit Røde Korsianut ilaasortaasinnaavoq. Kalaallit Røde Korsianut ilaasortat nunatta avataani najugaqarallartut piumasaqarnermik tapersersuisut ilaasortaasinnaapput, nunatsinnilu najugaqarqilerunik ilaasortatut nalunaarsorneqassallutik. Tapiissuteqartut piumasaqarsinnaapput ilaasortatut nalunaarsorneqarnissamut, ilaasortatut nalinginnaasutut pisinnaatitaalerlutik. Ilaasortanut ataasiakkaanut ukiumut ilaasortaannermut akiliutip annertussusia aallartitat ataatsimeersuarneranni aalajangersarneqartarpoq.

Stk 3 Immikkoortortaqarfiit namminneerlutik susassaqrarfiit aalajangertassavaat ataatsimeersuarnermi pilersaarutit, pingaarnersuiunerit malittarisassat il. II. aalajangeqartut iluini. Malittarisassani allassimassapput immikkoortortaqarfiup aqunneqarnera, ingerlannera aningaasaqarneralu, immikkoortortaqarfinnut allanut, siulersuisuunernut kattuffiullu allaffeqarfianut attaveqarneck.

Stk 4 Malittarisassat assigiissut Kalaallit Røde Korsiani immikkoortortanut tamanut atuupput, aallartitat ataatsimeersuarnerini amerlanerussuteqarnikkut taamaallaat allanngortinneqarsinnaallutik.

Stk 5 Siulittaasoq siulersuisunilu ilaasortat ukiuni marlunni qinigaaffeqassapput, qinigassanngorteqqissinnaallutillu.

Stk 6 Immikkoortortaqaarfiit malittarisassani malitassat malillugit kattussinnaallutillu aggulussinnaapput. Immikkoortortaqaarfiit nutaat pilersinneqarsinnaapput malittarisassat malillugit.

Stk 7 Immikkoortortaqaarfiit siulersuisui Kalaallit Røde Korsiata tunngaviinut, ataatsimeersuartut siulersuisuunerniluunnit malittarisassat malillugit innersuussutigineqartunut akerliusumik iliuseqartut, siulersuisuunernit aalajangerneqarsinnaavoq immikkoortortaqaarfiup siulersuisuisa Kalaallit Røde Korsiata aqqa, ilisarnaataa, taaguullu Røde Kors atorneqaqqissanngitsoq. Aalajangernerlu ataatsimeersuarnermi siullermi qaqinneqassaaq, aalajangiinerlu atortuulivissaaq ikinnerpaamik  $\frac{2}{3}$ -mik amerlanerussuteqarnikkut.

#### § 4 ATAATSIMEERSUARNEQ

Stk 1 Ataatsimeersuarneq Kalaallit Røde Korsiata qullerpaartaraa.

Ataatsimeersuarneq ukiut marlukkaarlugit ukiuni akunnaatsuni pisassaaq. Immikkut ittumik ataatsimeersuarnissamut aggersaasoqartassaaq nuna tamakkerlugu siulittaasup Dansk Røde Korsilluunnit præsidentiata pisariaqarsorippagu, imaluunnit immikkoortortaqaarfiit siulittaasuisa  $\frac{2}{3}$ -sa allakkatigut KRK-p siulittaasuanut Dansk Røde Korsilluunnit præsidentianut piumasarippassuk.

Stk 2 Ataatsimeersuarnermi aallartitat tassaapput:

Immikkoortortaqaarfiit tamarmik marlunnik aallartitaqarsinnaapput, aallartitap aappaa siulittaasuussalluni. Siulittaasoq peqataasinnaangippat, imaluunnit nuna tamakkerlugu siulersuisunut ilaasortaappat, immikkoortortaqaarfik aliangersinnaavoq allamik aallartitaqarniarluni.

Taasisinnaatitaaneq: Nuna tamakkerlugu siulersuisuni ilaasortat tamarmik qinersisinnaatitaapput. Immikkoortortaqaarfinniit marluk qinersisinnaapput, qinersisinnaanerup aappaa siulittaasumiilluni. Nuna tamakkerlugu siulersuisuniikkaanni immikkoortortaqaarfimmilu ilaasortaalluni, nuna tamakkerlugu siulersuisuni ilaasortaannermut qinersisinnaatitaaneq atuutsinneqassooq.

Stk. 3 Aallartitat siulittaasumit qaammatit pingasut sioqqutsilluni aggersarneqassapput. Immikkorluinnarlu pisoqartillugu aallartitat qaammat ataaseq sioqqullugu aggersarneqarsinnaallutik.

Stk 4 Aallartitanit siunnersuutit tunngavilersorneqarsimasut ataatsimeersuarnermi oqaluuseritikkumaneqartut, ataatsimmersuarneq qaammatit marluk sioqqullugit siulittaasumut nassiunneqareersimassapput.

Stk 5 Ataatsimeersuarnissaaq qaammat ataaseq sioqqullugu siulittaasup ataatsimeersuaqataasussanut makku nassiutereersimassavai:

- a. Oqaluuserisassat, ilanngussat ilanngullugit:
- b. Siunnersuutit ataatsimeersuaqataasussanit nassiunneqarsimasut, takuuk § 4,
- c. Kattuffiup siulersuisuisa siunnersuutaat kiisalu
- d. Paasissutissat assigiinngitsut oqaluuserisassat eqqartorneqarnissaanut pisariaqartut.

Stk 6 Ataatsimeersuarnermi aalajangigassat nalinginnaasumik amerlanerussuteqarnikkut aalajangiiffigineqartassapput. Taasinermi aallartitaq ataaseq ataatsimik qinersisinnaatitaavoq. Inunnik qinersinermi, matoqqasumik qinersisoqarnissaa piumasarineqarsinnaavoq. Qinersinermut piginnaassusiliineq allagaqarnikkut pisinnaavoq.

Stk 7 Malittarisassat allangortinnissaannut piumasaqaataavoq taasisinnaasut  $\frac{2}{3}$ -iisa allanguutissamut akuersisimanissaat, taamaattoq takuuk § 3.4. Qinersinissamut piginnaassusiliineq allakkatigut tunniunneqarsinnaavoq. Kalaallit Røde Korsiaata malittarisassai allangortinneqarpata: § 1, § 2, §4.7 taamatullu § 11-mut piumasaqaataavoq Dansk Røde Korsiaata aqutsisoqarfianit akuerineqarnissaq.

Stk 8 Ataatsimeersuarnermi oqaluuserisassat minnerpaamik ima immikkoortoqassapput:

- 1) Aqutsisumik toqqaaneq
- 2) Siulersuisut ukiuni kingullerni marlunni sulisimanerminnut nalunaarusiaata akuersissutigineqarnera
- 3) Naatsorsuutit akuersissutigineqarneri
- 4) Ukiuni tulliuuttuni marlunni ilaasortaanermut akiliutip annertussusilerneqarnera.
- 5) Ukiuni tulliuuttuni marlunni immikkoortortaqaarfiit kattuffimmut Kalaallit Røde Korsianut akiliutissaasa allajangerneqarnerat.
- 6) Siunnersuutit tiguneqarsimasut.
- 7) Ukiuni marlunni tulliuuttuni kattuffiup suliassaasa akuersissutigineqarneri.
- 8) Ukiuni marlunni tulliuuttuni missingersuusiap akuersissutigineqarnera.
- 9) Siulersuisunik qinersineq:
  - a) Siulittaasoq
  - b) Siulittaasup tullia
  - c) Siulersuisuunerni ilaasortassat marluk
  - d) Aningaaserisoq
  - e) Sinniisussat marluk
- 10) Kukkunersuisumik sinniisissaanillu qinersineq
- 11) Tamalaat.

Stk 9 Kinaluunnit nammineersinnaassusilik Kalaallit Røde Korsianut ilaasortasoq qinigaasinnaassuseqarpoq, taamaattorli nuna tamakkerlugu politikikkut sulialik siulittaasumut siulittaasulluunnit tullianut qinigaasinnaatitaanngilaq.

Stk 10 Ataatsimeersuarnissami angalanermut ineqarnermullu aningaasartuutit kattuffiup isumagissavai.

## **§ 5 SIULERSUISUUNERIT**

stk 1 Ataatsimeersuarnerit akunnerini Kalaallit Røde Korsiaata aqunneqarnera siulersorneqarneralu siulersuisuunerit akisussaaffigaat.

Stk 2 Siulersuisuunerit ukuupput:

- a) Siulittaasoq
- b) Siulittaasup tullia
- c) Aningaaserisoq
- d) Siulersuisuni ilaasortat marluk

Stk 3 Siulersuisuunerni ilaasortat Kalaallit Nunaanni najugaqartuussapput.

Stk. 4 Siulersuisuunerni ilaasortat ukiut sisamakkaarlugit qinerneqartassapput. Ataatsimeersuarnerit tamaasa ilaasortat marluk pingasulluunnit qinigaaffiusassapput imm. 2 a-d-mi taaneqartunit. Siulittaasoq aningaaserisorlu ataatsikkut qinigaaffiusariaqanngillat.

Stk 5 Ataatsimeersuartut siulersuisuunernut sinniisussanik marlunnik qinersisassapput. Sinniisussat ukiuni marlunni qinigaasassapput.

Stk. 6 Siulersuisuunerit siulersuisunut ilaasortat pisinnaajunnaarnerini sinniisussat saniatigut allanik amerlanerpaamik marlunnik naammaqusersinnaapput sinniisussatut qinikkat naammanngippata. Tamanna allakkatigut pisinnaavoq immikkoortorta qarfinnut qinigassat allattorsimaffiannik nassiussinikkut allakkatigut qinersinermi mailikkut nassiuatassamik atugassamik. Qinersinissamut periarfissaq sivikinnerpaamik sapaatip akunnerinik 4-nik sivisussuseqassaaq. Aammattaaq § 4, imm. 2, 5 aamma 6 pisariaqarfiisigut naleqqussakkat atorneqassapput.

Stk 7 Siulersuisuunerit kattuffiup ukiumoortumik missingersuutitai makku tunngavigalugit suliarisassavaat:

- a. Ataatsimeersuarnermi pilersaarutit suliasallu pingaarnersiorneqarneri akuerineqarsimasut.
- b. Immikkoortorta qarfiit ilanngaatit ilanngaatigereerlugit sinneqartoorutaanit kattuffimmut akiliutai, ataatsimeersuartunit aalajangerneqarsimasut.
- c. Immikkoortorta qarfiit iluanaarutaat ilanngaatissat ilanngaatigereerlugit kattuffiup pissarsiai.
- d. Ilaasortaanermut akiliut ataatsimeersuarnermi aalajangerneqarsimasoq.

Stk 8 Siulersuisuunerit allaffeqarfimmik akissarsialerlugulu sulisussamik pilersitsisinnaapput, ulluinnarni allaffissornermik ingerlatsisussamik.

Stk 9 Siulersuisuunerit sulinerat kattuffimmit akilersorneqassaaq.

Stk 10 Siulersuisuunerit suleriaasissartik namminneerlutik aalajangersassavaat aammalu ataatsimiititaliorsinnaallutik sulinerminnut tapertaasussamik. Siulersut aalangiisinnaassuseqassapput siulittaasoq imaluunniit siulittaasup tullia ilaasortallu marluk najuuppata.

## **§ 6 SIULITTAASOQ**

Siulittaasoq Kalaallit Røde Korsiaata avammut sinniiseraa.

Siulittaasoq:

- Siulersuisuunerit ataatsimiinneri aquttassavai,
- Siulersuisuunerit sinnerlugit kattuffiup allaffissorinikkut ingerlatsinikkullu ingerlanerat malinnaavigissallugu kiisalu
- Aallartitat siulersuisuunerillu kattuffiup ingerlaneranik ilisimatitsisarnissaq akisussaaffigalugit.

## **§ 7 PIUMASSUTSIMIK SULINEQ**

Siulersuisuunerni, siulersuisuni, ataatsimiititaliani suleqatigiisitaniluunnit Kalaallit Røde Korsiaata iluani qinigaalluni sulineq akissarsiaqaataaneq ajorpoq.

Namminneq kajumissutsiminnik ikiuuttartut ataatsimoorussamik akisussaaneermut sillimmasernikuupput. Immikkoortorta qarfiit nammineq kajumissutsimik ikiuunnermi isumaqatigiissutit atsiornikut nuna tamakkerlugu allaffimmut nalunaarsugassanngorlugit nassiunneqarnissaat akisussaaffigaat.

## **§ 8 SINNIISUTUT ILIUUSEQARSINNAATITAANEQ**

Stk 1 Siulersuisuunerit Kalaallit Røde Korsiat sinniisutut iliuuseqarsinnaatippaat

Stk 2 Siulersuisuunerit sinniilluni pisussaaffimmik nalunaaruteqarsinnaavoq.

## **§ 9 KUKKUNERSIUINEQ**

Kalaallit Røde Korsia ukioq naatsorsuusiorfia januarip aallaqqaataanit decembarip naaneranut ingerlavoq. Naatsorsuutit kukkunersiuusunit ataatsimeersuarnermi qinigaasunit kukkunersiorneqartassapput, kukkunersiuusiq nalunaarsugaalluniluunnit nalagaaffimmit akuerisaasimassaaq. Taannattaq kukkunersiuusiq isornartorsiuisuussaaq.

## **§ 10 KATTUFFIUP ANINGAASAQARNERA**

Røde Korsip ulloqartitsineranit, atornikuerniarfimmit allallu susassaqtitsinerit isertitaqaataasut, kingornussat, avataanit tapiissutit assigisaallu immikkoortortaqrarfiit, aningaasat isertinneqartut ilanngaatisaat ilanngaatigereerlugit isertitat 30%-ii kattuffimmut tapiissutit ingerlateqqittassavaat. Aningaasalli avataanit tapiissutaasut immikkoortortaqrarfinnut aalajangersimasumik susassaqtitsinerimut tapiissutaappata immikkoortortaqrarfiup tamakkiisumik tigungmiinnarsinnaavai.

Stk 2 Isertitat ilanngaatit peereerlugit paasineqassaaq, isertitanit akiligassat ingerlatamut isertitsissutaasumut attuumassuteqartut ilanngaatigereerlugit isertitat.

Stk 3 Ilaasortaanermut akiliut toqqaannartumik nuna tamakkerlugu allaffeqarfimmut akilerneqartassaaq tassanngaaniit ukiumoortumik 50 %-ii utertinneqartassallutik.

Stk 4 Aningaasat kattuffimmut ingerlatinneqartassapput kattuffiup killiliussaa nallertinnagu.

## **§ 11 DANSK RØDE KORSIMIK SULEQATEQARNEQ**

Dansk Røde Korsip Kalallit Røde Korsiatalu suleqatigiinnissaannut Dansk Røde Korsip præsentia Kalaallit Røde Korsiatalu siulittaasua suleqatigiinnissamut isumaqatagiissummik aalajangersaassapput.

## **§ 12 KALAALLIT RØDE KORSITA ATORUNNAARSINNEQARNERA**

Kalaallit Røde Korsiat taamaallaat atorunnaarsinneqarsinnaavoq immikkut ittumik ataatsimeersuarnermi, atorunnaarsitsinissaq kisiat oqaluuserineqassalluni.

Minnerpaamik immikkoortortaqrarfiit 75 %-ii peqataassapput.

Atorunnaarsitsinissamut siunnersuut atortuulissapput 75 %-ii akuersillutik taasisimassapput.

Atorunnaarsitsiniarnermi immikkoortortaqrarfiit 75 %-ii aallartitat ataatsimeeruarneranni katersorsinnaanngikkaanni, siunnersuut immikkoortortaqrarfinnut allakkatigut taasisutissanngorlugu siunnersuutip ataatsimeersuarnermi saqqummiunneranit ullut 30 qaangiutsinnagit nassiunneqassaaq.

Inerpera taaseqataasunit nalinginnaasumik amerlanerussuteqarnikkut aalajangerneqassaaq.

Immikkoortortaqrarfiit tamarmik marlunnik taasisinnaatitaapput.

Akuersisut itigartitsisullu naligiippata siunnersuut atortussaajunnaassaaq.

Kalaallit Røde Korsiat atorunnaarsinneqarpat pigisat tamaasa Dansk Røde Korsianut ikiuniarnermut atorneqarnissaannik pisussaaffilerlugu ikiuniarnerit nunatsinnut tunngasut pingaarnerutillugit, pingitsoorani tunniunneqassapput.

Nuuk ulloq 21. Oktobari 2018

Christina Tønder Bell  
Nuna tamakkerlugu siulitaasoq